



Inatsisartunut ilaasortaq
Adam Kristensen, Inuit Ataqtigiit
/Maani

**Kangersuatsiami tunisassiorfik pillugu § 37 naapertorlugu
apeqquteqaammut nr. 220-2024-mut akissut**

Allakkap ullua: 25-10-2024
Suliap normua: 2024 - 1126
Allagaatip ilisarnaataa:
24690093

Asasara Adam Kristensen

Postboks 1614
3900 Nuuk

Oqa.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

Inatsisartut Suleriaasianni § 37, imm. 1 naapertorlugu Kangersuatsiami
tunisassiorfik pillugu Naalakkersuisunut apeqquteqaateqarputit.
Apeqquteqaatit uannit akisassanngorlugu innersuunneqarpoq.

**1. Kangersuatsiami nutaamik tunitsiviliorinissaq siunertaralugu
Naalakkersuisut Royal Greenland aamma Nukissiorfiit Kommunilu
suleqartigiillutik Kangersuatsiami tunisiviliornermi ataqtigiissaakkamik
pilersaarusiamik aallartitsisinnaappat?**

Akissut:

Tunngaviusumik tunisassiorfimmik pilersitsinermit najukkami pisariaqartitat,
kiisalu piujuartitsisinnaaneq imminullu akilersinnaaneq
tunngavigineqartussaapput. Tamanna niuerfimmik illuatungeriinnit, soorlu
tunisassiornermi ingerlatseqatigiiffinnit pioreersunit
aalajangersarneqartussaavoq.

Nukissiorfiit ilisimatitsipput, Nukissiorfinnit maannarpiaq nutaamik
tunisassiorfiliorsinnaaneq pillugu Royal Greenland allalluunniit
oqaloqatigineqanngitsut. Suliffeqarfiup ataatsip tungaaniit nunami
aalissakkerivimmik, Nukissiorfiit pilersuiffianit pilersorneqartumik
pilersitsinissaq kissaatigineqarpat, maanna pisinnaasat annertusineqarnissaat
pisariaqartinneqarnersoq naliliiffigineqassaaq.

Kisiannili aamma § 37 naapertorlugu apeqquteqaammut normu 191-2024-mut,
Kangersuatsiami tunisassiorfimmik nutaamik pilersitsisoqassagalarpat
pisinnaasanik annertusititsinissamut pisariaqartitsineq pillugu
isummersorfiusumut akissuteqaatiga innersuussutigissavara.

Inussiarnersumik inuulluaqqusillunga

Kalistat Lund